

Javni poziv za podnošenje prijave za dodjelu bespovratnih sredstava u okviru projekta Via Dinarica

10.09.2020 12:30



Grad Mostar u saradnji sa UNDP-om imlementira i sufinansira projekt Via Dinarica. Via Dinarica je koncept koji povezuje sedam država, obuhvaćajući Dinarske Alpe od Slovenije do Albanije. U proteklih nekoliko godina, Via Dinarica je postala regionalna turistička destinacija koja nudi planinarenje svjetskog ranga, biciklizam, skijanje, ribolov, kajakaštvo, rafting, speleologiju i pregršt drugih mogućnosti za istraživanje Dinarida te upoznavanje tradicionalnog načina života i gastronomije. Stoga je Via Dinarica (<http://viadinarica.com>) platforma koja ima potencijal za razvoj lokalnih zajednica i malih preduzeća u području ugostiteljstva te pružanja turističkih usluga u okviru aktivnog turizma na lokalnom, državnom i međunarodnom nivou, kao i promociju istorijske i kulturne baštine.

Trenutno je raspisan “**Javni poziv za podnošenje prijave za dodjelu bespovratnih sredstava u okviru druge faze projekta Via Dinarica**” koji implementira i sufinansira Razvojni program Ujedinjenih naroda u Bosni i Hercegovini (UNDP BiH), uz finansijsku podršku Agencije Sjedinjenih Američkih Država za međunarodni razvoj (USAID BiH) i Agencije za razvojnu saradnju Republike Italije (AICS). Druga faza ovog projekta se provodi u saradnji s domaćim partnerima – Ministarstvom vanjske trgovine i ekonomskih odnosa Bosne i Hercegovine, Federalnim ministarstvom okoliša i turizma, Ministarstvom trgovine i turizma Republike Srpske, lokalnim vlastima, nevladinim i privatnim sektorom aktivnim u turizmu, a među jedinicama lokalne samouprave na koje se ovaj poziv odnosi je i Grad Mostar.

Javni poziv ima za cilj dodatno poboljšati ponudu i zadržati turiste na duži period, doprinoseći ugledu Via Dinarice kao regionalne turističke destinacije kroz poboljšanje i proširenje turističkih smještajnih kapaciteta i povećanje raznolikosti turističkih usluga i proizvoda (kulturnog, historijskog, sportsko-rekreativnog i avanturističkog turizma i slično) duž bijele, zelene i plave staze u Bosni i Hercegovini. U širem smislu, ova shema za dodjelu bespovratnih finansijskih sredstava će doprinijeti oporavku od posljedica Covid -19 pandemije i jačanju cjelokupnog turističkog sektora u Bosni i Hercegovini.

Sve informacije možete pronaći na link-u:

https://www.ba.undp.org/content/bosnia_and_herzegovina/bs/home/presscenter/vijesti/2020/viadinarica--2fazapoziv-za-dodjelu-bespovratnih-sredstava.html